

De

PHLOGOSIBUS VAGIS CUM SCOR- BUTO,

Quam

FAVENTE DEO TRIUNO

Authoritate & Jussu

Amplissimi Medicorum Ordinis,

In

Antiquissimâ EBERHARDINA

P R Æ S I D E

DN. ELIA RUDOLPHO

CAMERARIO,

Med. D. ac Prof. P. Consiliario & Archiatro

Würtembergico;

P R O

*Summis ac Doctoralibus in Arte Medicâ Hono-
ribus ac Privilegiis ritè consequendis,*

Publico ac solenni Examini submittit

PHILIPPUS FRIDERICUS Jäger / Uracens.

I N A U L A N O V A,

Die Martii, ANNO M DC LXXXIV.

T U B I N G Æ,

Typis JOHANN-HENRICI REISL.

VIRIS

Munerum ac Meritorum Eminentia
MAGNIFICIS,

Dn. JOH. JACOBO CURTIO,
JCto Consummatissimo, Serenissimi Wür-
tembergiæ Ducis Consiliario Status ac Regi-
minis Secretioris, Vice-Cancellario, & Cau-
sarum Feudalium Præposito Gravissimo,

NEC NON

Dn. ANDREÆ BARDILI, JCto
Celebratissimo, Serenissimi Würtemb. Ducis
Consilii Ecclesiastici Directori Meritissimo,

Dnn. Meccenatibus ac Evergetis
suis devotè colendis

DISQUISITIONEM HANC INAUGURALEM

Sacram esse vult

Cum submissa sui commendatione

Clientis devotissimus

R E S P O N D E N S.



HISTORIA.

F*œmina ætatis annorum 33. nata in Belgio, degens cum Marito in munimento ad Rhenum celebri, temperamenti sanguineobiliosi, habitûs gracilis, teneræ constitutionis, aliquot ab hinc annis per nares copiosum sæpè profundens sanguinem, frequenter subitò exæstuat, aliquando toto corpore, sæpius in vultu, modò hâc, modò illâ parte fervet, sive Phlogoses patitur inopinatò invadentes, schnelle / fliegende Hitze / modò jejuno, modò repleto stomacho, per horæ quadrantem, aut dimidium, brevius aliquando durantes, plerumque cum udore, aliquando absque ipso, tam imminente, quàm procul adhuc distante menstruo fluxu obvenientes, quas plerumque non semper, quædam præcordiorum præcedit anxietas, rosio; gingivas monstrat tumidas, partim sanguinolentas, partim saniosas, partim albescentes, sicut in dicto æstu, ardorem ac siccitatem gulæ & faucium sentit, parùm appetit, hypochondriis inflatur frequentius cum, aliquando sine dictis Phlogosibus, alvo libera est, urinam offert flammeam, ad ruborem propè accedentem, nonnunquam, ut refert, sedimentum instar pollinis lateritii deponentem, respirat facilè, sed sub æstuatione ista, si vehemens est, difficilior, pulsus habet inordinatum, in paroxysmo celerem, citatum, ad iram prona est, dormit mediocriter, capite haud rarò dolet, mensum experitur fluxum*

fluxum statò tempore, sed imminutum, exaltato rubore tinctum, *extremis* naturaliter calet, cum invasiones istæ absunt, patitur *lassitudinem* spontaneam, *gravitatem* membrorum, *maciem* corporis, *tibiæ* ulcus absque multâ sanie, dolore, *maculas* nonnunquam in cruribus & brachiis clarè rubeas; præterea nullas sentit molestias. Petit *Medici* Consilium, qui suppeditat tale:

Patiens manè horâ 6. & vespertinâ 4. *pilularum* sequ. numer. xv. cum *Mixtur.* cochlearium 4. quantit. deglutiat.

Rec. C. C. *phil. calc.* Ebor. *phil. calc.* Corall. r. *preparat.* Sem. *nasturt. hort.* Sal. *absinth.* ana ℥ ij. Gelatin. Corn. Cerv. ℥ v j. M. f. pil. pond. gr. ʒ. Aq. *becabung. acetos. acetosell. endiv.* ana ℥ ij. Syrup. *granator.* ℥ j. M. D. Hora 9. antemeridianâ *jusculum*, in quâ *acetos. acetosell. becabung. nasturt. aq. fumar. recent. coct. calid.* hauriatur. Cum æstuationes intensiores ac frequentiores sunt, ante somni tempus *Emulsionem* bibat: ʒ. Sem. 4. *frig. excort.* ana ℥ ʒ. *papav. alb.* ℥ j. F. c. *aq. papav. err. lactuc.* ana ℥ i ʒ. *Emulsio* D. *Gingivis Linimentum de Aquileg.* illinatur. Os colluatur frequenter sequenti decocto: ʒ. Cort. *med. recent. frutic. rosar. H. nasturt. aq. rec.* ana M j. Coq. in *Vin. rubr.* ℥ j. colatur. adde *Mell. rosar. simpl. Roob Nucum* ana ℥ v j. M. D. *Tibiæ ulceri Empl. diapompholyg. H.* imponatur.

Post absolutum horum medicamentorum Usum remissiores, rariores illæ Phlogoses, mitiora reliqua symptomata: Hinc denuò ad petittum *Medicus* sequens suppeditavit Consilium. Hauriatur manè seq. *Potio purgans*: ʒ. Fol. *sen. el.* ℥ ij. *Tamarind.* ℥ ʒ. *sem. anis. Crem. Tartari* ana ℥ j. Coq. in *Aq. font. q. s.* ʒ. Colatur. ℥ ij. *Elect. d. Tamarind. Horst.* ℥ v j. *Aq. cinam. bugl.* ℥ j. M. Biduo aut triduo abhinc *Venam brachii secari* curet. Ab isto tempore

pore *Acidulas* five *Sivalbacenses*, five *Dönningsteinenses*, quas adire ob causas domesticas urgentes cum, ut percipio, non liceat, bibat per 5. 6. aut plures septimanas, æstivo tempore, cum fervidus urit Aër, manè potando 3 circiter XII, si sitis urget, pomeridiana hora 4. 3. circiter vj. sin tempestas pluviosa est, omitti possunt. *Diam, à Medico Ordinario, in Consilio communicato præscriptam, observet. His singulis per Dei Gratiam ab omnibus diætiis molestius liberata fuit.*

Σ. Θ.

FRequentissimè Practico occurrunt Medico curandæ molestissimæ *Vagæ Excandescentiæ*, rarissimè verò in Medicis scriptis expositæ istæ sunt, tam quâ causas, quàm quâ curationem. Qui illas attingunt, breviores plerumque sunt, quàm ipsarum Paroxysmi, vix tot ponunt verba, quot horarum minutis breves istæ æstuationes durant. Undè è pluribus, ad Exercitationem Practicam ab Excell. Dn. *Præside* mihi communicatis Casibus, hunc pro *Inauguralis Disputationis*, Jussu ac indultu *Amplissimi Medicorum Ordinis* habendæ, *Themate* selegi, & pro temporis, quod ante Iter instans adhuc suppetit, conditione, breviter, juxta Regulas tamen Artis, resolvere constitui; *DEUM Opt. Max. Triunum*, ut ceu hætenus, ita & huic ultimo, studiorum Academicorum quasi complemento adesse velit, devotissimè implorans,

T H E S I S I.

Affectus simplex non est, maximè autem ægram torquet ac insignem præ cæteris creat molestiam ista Vaga Phlogosis, *intemperies nimir. calida, brevis, frequens, ac subita, modò totius corporis, modò hujus vel illius partis, à p. n. particulis biliosis, scorbuticis, agitatæ, orta.*

II. Molestissima hæc solet esse *exæstuatio*, quâ vapores calidi, liquores ferventes per totum corpus, per hanc vel illam partem fluere, effundi, adigi videntur, quando etiam absque Scor-

buto adoritur Comite. Hinc istum fervorem pro potissimo habuit *Ægra nostra*, & ego quoque. Casum inscripsi de Phlogosis Vagis, addito Scorbuti nomine, qui has Comitans junctum dicit morbum. Brevitas, frequentia ac subitanea illius invasio ab aliis corporis fervoribus ac caloribus ipsam differre monstrant. *Aliæ* etiam sunt *vagæ illæ Inflammationes*, volaticæ maculæ, *Flug* vocatæ; Phlogoseos vocabulum non pauci cum phlegmone confundunt, at parum accurati isti sunt; ceu enim phlegmonem accuratiores cum inflammatione, phlogosin absque eâ dicunt, ita tales ego æstuationes, effervescentias, phlogoses, etiam absque febre expono, quod mirabitur forsan, haud absque ratione, unus vel alter. Sanguinis enim p. n. agitatio, turgescencia &c. Plerisque *Medicis* non nisi in febribus adesse creditur; sunt quidem, qui p. n. M. æ. Sæ. motum à solo isto æstimant & describunt circulari per corpus, ejusque vasa, motu, at rarò causa, frequentius iste effectus est illius agitationis, quæ ab ipso particularum in sanguine incendio, intestino quasi bello ac seditione oritur, non enim celerius tota M. S. de loco in locum movetur, nisi iste molecularum in sanguine tumultus adsit, ut ita ad turgentiam, ad impetum, ad orgasmum, ad effervescentiam (variis enim nominibus insigniunt) utrumque requiri, imò unum ab altero vix separari posse, mihi videatur; Tales autem Orgasmi, tales tumultuosæ ebullitiones, tales effrænes seditiones in corpore humano absque Febre se prodere non semel solent. *Maniacorum* ferox jaëctatio, *Epilepticorum* turgescens concussio, *hystericarum* vagabundi impetus, *hypochondriacorum* subiti dolores, flatulentæ distensiones, borborygmorum murmura, *Scorbuticorum*, *Cachecticorum*, *Ictericorum* Asthmata subitanea, *Arthritides*, *Cardialgiæ*, *Cholera*, *diarrhææ*, *dysenteria*, *hæmorrhagiæ* vehementiores, gulæ ardores, *purgantium* actiones, & similes affectus à ferocientibus, ab ebullientibus p. n. motis oriuntur humoribus, at haud rarò sine Febre. In hac *Ægrâ* ex istâ subitâ phlogosi febrem qui concludere contendit, perpendat brevitatem, volatilitatem, particularitatem illius fervoris, illius intemperiei calidæ, absentiam quorundam febris requisitorum, hinc abfuisse & Febrem hîc dico; Febrem sui generis si ponerem, nimis latè nomen extenderem, & dicerem id, quod ii, qui occultas qualitates

litates ponunt. *Phlogosis* talis æstuationem, fervorem, effervescentiam incertam, vagam Intemperiem, sanguinis inordinationem, excandescentiam, caloris suffusionem dicit. *Scorbutus*, quem hic *Gingipedium* cum *Regnero Snoy* appellare possum, si tam rudi uti licet verbo, Græcis usitatis *σπυμνάκης* & *σπυλοτόρης* nominibus exprimo, affligere solet absque istis æstuationibus nonnunquam, & hæc absque scorbuto; Particulæ istæ *biliosæ scorbuticæ* sive sulphureæ salæ acres ebullientes in causarum serie exponuntur.

III. *Subjectum* pono modò totum corpus, modò hanc vel illam partem, ut & infra patebit, ubi symptomatum rationem reddo, prout nimirum fervoris ac scorbuti causa intensior vel remissior est, hoc vel illud petit membrum; sunt *spirituosæ, humidæ & solidæ* partes, ex his os, gingivæ, fauces, gula, ventriculus, intestina, thorax, caput, brachia, crura &c. *Causale*, unam jam certam corporis particulam, determinatum locum si statuere vellem, quod Curiosuli ad gloriam captandam facere allaborant, nimis angustis includerem terminis, & ut illi soli applicarem remedium, urgeri possem; Tota S. M. & alii *humores*, modò hanc, modò illam alluentes partem, tale hic constituunt, nec *spiritus*, nec *viscera* cum *glandulis* excludenda sunt.

IV. *Causam* accuso particulas sulphureas, nimias, oleosas resinosas & salas acres tenuiores, scorbutica labe tinctas, ebullientes, effervescentes, sive corpuscula p. n. biliosa, scorbutica, agitata. *Causæ* si perpendo *consistentiam*, læserunt hic *Fluida*, Et *Spirituosæ*, spiritus enim craseos ac texturæ limites transilierunt; sanguis in corpore humano vivo absque spiritibus, non sanguis, sed cruor cadaverosus est, imò & alii corporis vivi humores singuli spiritibus perfundi debent; Læserunt fuligines, halitus, & quid dicere vetat, flatus ab ista sanguinis, aliorumve humorum ebullitione, effervescentiâ, agitatione exorti. Et *Humorosa*, Sanguis imprimis, non hic autem solùm, sed & pro varietate vertumni scorbutici, chylus, liquor Gastricus, Intestinalis, Pancreatis, Vesiculæ felleæ succus, lymphæ varii generis. Ista enim Ventriculo oblata alimenta alienis, jam vix subigendis aut domabilibus prædita corpusculis, materiam præbuerunt chyli, non laudabilis,

bilis, præsertim cum liquor iste fermentalis sive condimentum ciborum, ceu *Cuidam* placet, sive instrumentum Ventriculi, spiritibus debitis destitutus, alienis instructus, à sanguine degenerante infectus, à lymphæ heterogeneis conspurcatus, à glandulosa Ventriculi tunica non ritè segregatus, suo non functus fuerit officio, cum succenturiatus huic Intestinorum liquor à debito deviarit munere; Pancreatis hîc succus acrior justo, effervescentiæ nimix præbuit ansam, vesiculæ felleæ succus nimius quâ suam resinositatem, acrimoniam intensior justo, ebullitionem p. n. promovit; Lymphæ variæ, hic, ibi, indolis, diversis heterogeneis, & materiæ, & efficientis vitio, tincta moleculis jam accusatis, ceu ad talia recipienda aptissima est, hic, ibi, causæ rationem etiam subiit. Talibus præsentibus humorum degenerationibus, quis Sanguinem liberum dicet, ut de aliis inficientibus causis taceam? In hac ergò *Ægrâ* inter fluida corporis *Ille* læsit potissimum. *Solida* & causæ subijisse vires, contendere quis posset, salinæ enim istæ & sulphuræ accusatæ moleculæ solidum quid dicunt, partes continentes contentas promovent. Verùm hîc nonnisi in diversis fluidis hæserunt, ipsas partes continentes solidas irritatas, non rarò contenta concitatus movere concedo, at in nostro Casu potissimum *fluidis* inhæreo.

V. Modum læsionis si spectem, consistit in *Quantitate*, *Qualitate*, *Motu* & *Loco*. *Quantitate*, imminutâ & auctâ; *Defectu* enim peccant spiritus, nam licèt fervidior sit sanguis, ista tamen spirituosâ volatilis effervescentia, ebullitio p. n. est, extra debitos craseos limites, ut copiam spirituum, naturaliter requisitorum, sufficientem, non ponat, & ita sanguis spiritibus debitis sit depauperatus, p. n. verò nimis instructus. *Auctâ* peccant particulæ istæ actu lædentes, paucæ enim si essent, non dominium obtinerent, non tam sensibiliter læderent. *Qualitate* peccant, dum nimis calidæ, nimis acres, nimis ferventes, scorbuticæ sunt. Non quidem qualitate solùm primâ, sed particulis, moleculis heterogeneis excedunt causæ, ob receptam tamen loquendi formulam liceat hunc retinere modum, quia enim dicta fluida utraque sulphureis & salis tenuioribus, acrioribus, valdè acrivis, subtilibus corpusculis infecta, vulgari vocabulo biliosa fuerunt, læsionem indu-

xerunt:

xerunt; Accessit in hâc *Ægrâ Character scorbuticus*; non enim
 omnis scorbutus à sero limosis, tartareis, crassis viscidis, fixis salibus
 inebriato, non omnis à melancholia; non omnis ab humore a-
 cido oritur, sed & tenuiores, volatiliores, fluxiliores humores labe
 scorbutica inquinantur, ut pateat, dari scorbutica pathemata ca-
 lida, dari frigida, fixiorem dari causam, dari volatiliorem, hinc
 & *Celebris Medicus Gallus*, licet contra *Anglos* scorbuti divisio-
 nem in sulphureo salinum & salino sulphureum revellat, tamen
 in Curatione attendendum esse dicit, num calor quidam p. n. an
 verò obstructions conjunctæ sint. In quo autem *Tinctura scor-*
butica consistat, variè definiunt *Authores*. Causam assignant
 Cruditatem sanguinis, denegatum crassioris, fixioris debitam spi-
 rituascentiam, sanguinem crudum, ichorolum, sanguinem nunc
 limosum, feculentum, tartareum, vappescentem, nunc sero acri,
 salibus modò lixivis, modò acidis, austeris, aluminosis, vitriolatis
 inquinato, plus minus dilutum, sanguinis & nutritii succi *Αἷμα*
ον sulphureo salinam, salino sulphuream, sanguinis dissolutio-
 nem à sale acri & subtili, aut immediatè, aut interveniente san-
 guinis dissolutione pathemata scorbuticis familiaria gignente
 derivatam; Alii aliam in prolixis editis *Tractatibus*. At cum
 talia dentur absque scorbuto, superaddunt non quidem, quas
 averfantur, occultas qualitates, sed τὸ ἡδὲ, τὴν κακὴν scor-
 buticam, τὸ contagiosum, nervoso generi infestum, malignum,
 venenatum, depravatum, corruptum, singulariter, specificè, sui
 generis &c. *ἀέρητον*, sed tale *mibi* (ne miretur quis, cum *tantis Vi-*
ris sit) qua essentiam suam specificam videtur, verum ex effectu
 dici potest, dum non solum Maris Balthici accolis & Germaniæ
 inferioris populis familiarem subinducat diathesin, sed & ista gin-
 givarum, tibiæ mala, maculas & similia monstrat. Cum ergò
 specificè corruptum, malignum dicitur istud fermentum scorbuti-
 cum, urgeri potest omisum vitium *substantiæ*, dum nimirum cau-
 sæ toto genere peccant. Verum *qualitate* dum peccat causa, peccat
 vel *irreducibili*, quæ dictum ponit vitium, vel *reducibili*. U-
 troque modo, potissimum posteriori læsit hîc Causa. *Motu* pec-
 cant, dum p. n. non solum celeri nimis & vagâ agitatione ebulli-
 liunt, tumultuantur, sed & ad hanc vel illam impetuosius justò fe-
 runtur partem. *Loco*, dum subsistunt in variis partibus, gingi-
 vis,

vis, tibiis, ubi subsistere non deberent; distinguo contra quorundam mentem loci vitium, à motus aut quietis vitio, etiamsi enim illuc mota pars quiete post peccet, tamen non sola quies, sed ipse locus etiam læsionis formale constituit.

VI. *Cause alie* hanc dictam gignentes, foventes, augentes, exaltantes, moventes adsunt variæ. Prima mox stamina jacta à *Nativitate* fuerunt, visceribus sanguinis generationi & depurationi dicatis, hepate præsertim heterogenea ista dicta aliquantulum, non tamen ad debitum gradum separantibus, quod *Temperamentum* in statu adhuc naturali patefacit. E non naturalium classe *Aër* patriæ natus, humidus, crassus, falsus ab uliginosis, palustribus & lacustribus locis infectus, *Cibi* in patriâ familiares, carnes falsugine maceratæ, fumo induratæ, lardum crudum aut rancidum, Pisces lacustres, maritimi, fumo, sole vel frigore indurati, aut muriâ conditi, mixta ex talibus edulia, cibi à corporibus aëre accusato fruentibus, & aquis dicendis utentibus desumpti, *Potus* ibi communis, aut aquæ crassæ, crudæ, impuræ, graves, sæpè corruptæ, aut cerevisia ex talibus parata multum hinc præstiterunt. *Vinum* verò, quod domicilio mutato, ordinario potui inservit, particulas ex talibus genitas & collectas salinas acriores sublimavit quasi, spirituosam, sed non debitam, verum p. n. volucrem addidit indolem. Mirum enim in modum vinum, ubi ordinariè potatur, humoribus scorbuticis alas addere solet. Accessit *Conversatio* cum scorbuticis ibi frequentibus; per plures enim vias *μιασμα* illud scelotyrbicum è multis, quibus ibi familiare malum est, sub conversatione ac cohabitatione exhalans irrepere potest. *Aliæ Res Non-naturales*, in quarum notitiam non pervenit Medicus, dubio procul suum etiam contulerunt symbolum. Inter *Res p. n.* *Hæmorrhagia* sæpius prægressa immodica, ad subjugationem balsamicarum, succulentarum, exaltationem verò heterogenearum scorbuticarum in sanguine molecularum multum fecit; *Partes* corporis, humorum ac massæ sanguineæ generationi ac depurationi inservientes, hinc singulæ, una magis, altera minus, una huic, altera illi *δυσεργία* ac malæ texturæ causam, fomittem suppeditarunt, quædam à collectis impuritatibus, demum infectæ fuerunt.

VII. Ex dictæ causæ in hac vel illâ parte *activitate speciali*,

li, symptomatum in hoc Casu *speciales* etiam *Causæ* erui queunt. *Hæmorrhagia*, quæ aliquot abhinc annis frequens & copiosa erat, oriebatur à stimulo illo, bilioso nimirum acri ac salino: sanguinem concitatiùs movente, vasaque narium aperiente, spiritus ac laudabiles sanguinis partes profundens, dissipans, sicque ad generationem heterogenearum, debito spirituum agmine destitutarum, multum faciens. *Frequentes* ac *subitæ* obortæ sunt *ex æstuationes*, cum rubore ac fervore partium, cùm sanguis modò totus, modò in hac vel illâ parte ebulliebat, quasi accendebatur, effervescebat, agitabatur, ab accendentibus ebullitionem, effervescentiam excitantibus talibus, quæ vel in ipsâ continebantur, sanguinis massâ, vel ipsi hîc aut ibi occurrebant, vel extra eam in hac vel illâ parte, quæ vel homogenea calorem, motum intendunt, vel heterogenea effervescentiam cient, ac illam æstuationem & agitationem promovent, ceu à calore aquam tepidam ebullire, pulverem pyrium fomite exiguo accendi, Martem ab effervescentiâ cum aliis inflammam, fumum agi &c. (innu-mera experimenta prostant) cernimus; Frequentius autem in primis viis occurrentes humores aliâs naturales, hîc peccantes, gastricus liquor, chylus, bilis, succus pancreat. &c. tum sibi invicem tum cibo aut potui talem aliquando ibi, aliquando & in sanguine fervorem, & cum isto partibus externis induxerunt, dum ebullientes, effervescentes, tenues, vaporosæ subtiles Sanguineæ Massæ partes subito ad exteriora ferebâtur, ardentes fumigantes quasi; Sanguis enim talis non solùm copiosius, impetuosius in hanc vel illam partem movetur, ac ruit, sed &, cùm ebullit quasi accensus, aut effervescebat, (*quæ duo probè distinguenda censeo*) halituosa non rarò, vaporosa, subtilia emittit corpuscula, quæ hîc, illûc, per vasa tamen patentia destinata, non semper expectato ordinario reliquæ M. S. motu subito ad partes has vel illas fertur, quod, ceu in disputatione de *Refectiione Subitaneâ* de medicamentis asserui, ita & quâ talia halituosa Gas eructantia facilè probari posse confido; frequentem vultus, imò totius phlogosin mox à vini potu, ab animi pathematibus, pudore, irâ, amore &c. obortam modò quis consideret; Agitatus ergò ac æstuans ille sanguis partes illas, aliquando totum, fervore isto perfudit, vel dispositis serosis fluidis particulis ad secretionem in glandulis subcutaneis, unde odor,

vel non, unde nullus; Et quia singula ante enarrata, in & extra M. S. cum & absque effervescentiâ causæ rationem induerunt, oborta fuit talis *φλογώσεων Varietas*. Ex quibus patet, me *Celebrium Medicorum* sententias, qui tales phlogoses vagas oriri ab intemperantiâ in venâ portæ, ab obstructionibus in mesenterio & visceribus, colluvie humorum in hypochondriis, & præcipuè circa hepar statuunt, & hîc sano sensu admittere, pro universalibus autem non habere; Patet, quantum consentiam *Illis*, qui talis caloris ac nonnunquam sudoris momentanei causam dicunt, ubi calor nativus à copiâ humorum crudorum premitur, qui si alternatim eum humorem aggreditur, exprimit quasi aliquem calorem & aliquando liquorem in superficiem corporis; Illud autem, quod tales caloris suffusiones à perverso, per scorbuticam labem, regimine animali oriri statuunt *Quidam*, dum plerique nervi & fibræ eorum appendices, hûc, illûc, protensæ spasmos seu motus convulsivos passim ineunt, propter eorum *αταξίας* arteriæ & venæ *ἀνομαλῶς* contrahuntur, ut sanguis in quasdam partes plus debitô compellatur, illud inquam, in nostrâ *Ægrâ* causam non fuisse autumo. *Cessat brevi*, licet aliquando tardiùs, aliquando celeriùs, quia deflagravit, quæ accensa agitabatur, deferbuit, quæ effervescens tumultuabatur portio.

VIII. *Præcordiorum anxietas* cum adfuit, & *rosio*, in Ventriculum multùm ac impropportionatè egit iste degenerans varius Ventriculi humor, illum postea in sanguine tumultum excitans, non verò Cor, quod *Quidam* metuunt, principaliter affectum fuit: *Tumor, sanguinolentia, sanies & albedo* gingivarum à salinis, scorbuti malitiâ præditis, ipsorum texturæ maximè adversis, oriebatur moleculis, in teneram enim & mollem illarum, quas palati glandulosi, spongiosi continuatio, & in majores protuberantioresque papillas fibrarum, nervorum vasorumque & membranarum ope conglomeratio constituit, carnem ex arteriæ rami ascendentis propaginibus tenuibus & salivalium vasorum oscillis extillans sanguis infectus distendit, putrescens alieno colore inficit, saniem suppeditat: Calidi biliosi salini humores, gulam ac fauces cum vicinis irrigantes, sed, quod quotidie fit, exiccantes, *sitim* ac *ardorem* ibidem excitârunt, alium tamen ab eo, qui frequens est, & ab acido prædominante fit, uterque tamen malè à ple-

à plerisq; confunditur: *Appetitus* est *exiguus*, quia *Ventriculus* non debitâ crasi gaudet, instrumento instructus, quod à spirituo-
 sa suâ acidosalinâ dispositione degenerat, quod & cum reliquis
 dictis, in isto negotio huic auxiliares manus ferentibus, liquori-
 bus itidem degenerantibus cum objecto, cibo nimirum & potu,
 effervescens p. n. flatus istos, modò cum, modò sine æstu, hy-
 pochondria distendentes gignit: *Urina* istum *colorem* ac *sedimen-*
tum inducunt salia, aliquantum subtiliata, cum sulphureis parti-
 culis affluentia, ac in Renibus mixta: *Dyspnœa* æstuantis à flatu-
 lentâ distensione, diaphragma, thoracem lædente, à sanguine ve-
 hementius agitato, pulmonum vasa ac vesiculas nimis distenden-
 te genita, quæ & *celeris*, *citati pulsus* in paroxysmo causa fuit:
Doluit Caput, ab istis spiculis ad pericranium, meninges motis,
 in capitis membranulas, fibrillas, cutem solvendo, vehementer a-
 gentibus: *Expulit Natura* statò tempore, fermentatione motum
sanguinem per vasa ac vias ordinarias, non tamen magnâ quan-
 titate, quia à naturali regulâ declinarunt illa fermentatio & ipsa
 humorum conditio, quia excefferunt particulæ hæcenus adductæ,
 quæ istam sanguinis etiam purpuram exaltarunt, ceu alias etiam
 volatilia salina, sulphurea ruborem intendere observamus: *Las-*
situdo spontanea, *membrorum gravitas* adfuit, non solùm, quia
 spiritus vegeto motui dicati defecerunt, dyscrati fuerunt, sed, quia
 fibrarum congeries musculosa ab istis dictis heterogeneis preme-
 batur, in debitâ variâ tensione tam contractivâ, quàm expansi-
 vâ impediabatur: *Macilentæ* fuerunt partes, quia balsamicus iste
 ros nutritioni destinandus partim abfuit, partim degeneravit:
Tibiæ unitatem solvit acrimonia allabentis humoris, licet pauci,
 rodentis debilem istam, malo tali ex texturâ suâ facilè obnoxiam
 partem, *ulcusq;* induxit ex illorum ordine, quæ scorbuticos bilio-
 sos potissimùm infestant; *Dolor insignis* in ulcere & aliis membris
non fuit, quia illa disproportion causæ agentis ad nerveas fibrillas
 non erat magna, hinc in nervoso generi infestum scorbutico frequens,
 universale autem non est: *Maculæ in extremis* sanguinis sæpius
 accusati, ad arteriarum etiam capillarium araneata vascula, oscil-
 la & tenuissimas lineas moti, sub & per tenella integumenta efflo-
 rescentiæ aut recrementa sunt.

I X. *Signis ad phlogoses detegendas opus non est*, Æ-

gra enim sentit ac refert, imò & adstantes plerumque, cum ad-
sunt, easdem cernunt in exterioribus. *Scorbutum* produnt gin-
givæ sanguinolentæ, saniosæ, tumidæ, albescentes, tibiæ ulcus,
& maculæ, crura, & brachia tingentes, quæ & aliis quibusdam
accedentibus vim ad significandum hunc morbum largiuntur.
Causam autem, biliosos nempe humores evectos, ebullientes, ef-
fervescentes, indigitant varii signorum fontes, à causis & effecti-
bus desumpti. *Ætas*, temperamentum, corporis habitus, consti-
tutio, potus ordinarius, proclivitas ad iram, hæmorrhagia nari-
um frequens, tanquam effectus, ipsi fervores, sitis, ardor ac sicci-
tas gulæ & faucium, appetitus dejectus, urina flammea, mensi-
um nimium rubentium imminutio. Scorbutico caractere tin-
ctam patria, locus nempe maritimus, victus ac potus ordinarius
in eadem, sanguinis per nares frequens fluxus prægressus, tan-
quam causa, cum antea dictis monstrant.

X. *Prognosis* si exponenda *Ægræ* fuisset, non quidem vi-
tæ periculum imminens, attamen pertinaciam affectuum horum
diuturnam Medicus prædixisset, ac solam symptomatum promi-
sisset mitigationem. Rarò enim penitus tales remittunt affectus,
hinc & Medicus nullum proposuit Patienti prognosticon, dubius,
an si salutem promitteret, promissis stare posset, ceu enim quæ
symptomata, instar vertumni ludere, ita quæ eventum sæpius fal-
lere solet scorbutus. DEI tamen gratia, isti post adhibita medi-
camenta, evanuerunt affectus.

XI. *Methodus Medendi* ex legitimis, non spuris quorundam, agens
principiis præcepit, ut *particula ista p. n. nimia imminuerentur, eliminaren-
tur, calida acres, ferventes, scorbutica partim educerentur, potissimum
immutarentur, inverterentur, infringerentur, mitigarentur, enervaren-
tur, subsistentes ab illo loco removerentur, spirituum pauperiei subvenire-
tur, partes manirentur*, quibus Indicationibus exequendis præscripta de-
stinata fuerunt medicamenta, non solum, quia ab *Authoribus* talia com-
mendari solent, sed &, quia ex talibus conflata sunt corpusculis, quæ, mo-
dis dicendis in corporis humani contenta & continentia, tum naturalia, quam
præternaturalia agunt.

XII. *Cornu Cervi, Ebur, Corallia* partim sensim emollita volatili-
bus, tenuibus, etiam mucilaginosi non destituta particulis, partim in te-
nuissimum redacta pollinem passim absorbentium inseruntur Classi, quæ a-
cidas imbibant in corpore atomos, ac enervent, at non harum solum,
sed & lixiviosarum, enixarum, acrium, sulphurearum, dum ipsis co-
hærent, ipsas subeunt, crasin, texturam, ordinem, agitationem immutare
valent, & quidem etiam in M. S. non cum insigni, ceu quasdam acidas, ef-
fer-

se rvescentiâ, verum lentâ refractione, vi insimul diaphoreticâ, & partes firmandi gaudencia, hinc multum in talibus etiam, qualis noster fuit, prosunt Casibus. *Absinthii Sal* ebullientes sulphureos, salinos, scorbuticos humores eliminare, destruere, dissipare, ligare, corrigere, egregiè valet. *Nasturtii bortenſis semen* (nostrum hortense cum *Vett.* nasturtio idem esse, licet contradicentibus quibusdam *Botanicis*, censeo) particulis volatilibus suis penetrantibus, incidentibus, attenuantibus, abstergentibus, tenuibus, acribus enervat scorbuticum fascinum, ac eliminat per ductulos glandularum subcutanearum, mucilaginosus verò demulcet, nec ab eo nimia hîc metuenda agitatio, cum vix granorum duorum pondere unam ingrediatur dosin. *Geiati. C. C.* sive ad molliorem adhuc, sive ad siccio rem redacta consistentiam Medicæ ac Pharmaceuticæ adæquata fuit intentioni, mucilaginosus enim, viscidus, volatilitate non destitutus, absorbentibus particulis, diversas à se in corpore immutavit, infregit, eduxit, licet non semper ad sensum, ac pulveres istos, ut in pilulas formari se paterentur, irretivit, inviscavit. *Becabunga*, *Officinis* dicta, *Bauhino* *Anagallis aquatica* major, folio subrotundo ordine prima, magno ob id encomio digna est, quod acribus salinis penetrantibus, calidis moleculis, scorbuto adversetur, non tamen tantis nec tam activis, quantis cochlearia, sed paucioribus, ac temperata, dilutaque pluribus humidis, aqueis, hinc sæpius in scorbuticis, ubi cochlearia lædit, magno cum commodo hæc exhibetur. *Acetosa*, *acetosella*, quarum etiam aquæ debitè destillatæ, viribus destitutæ, contra celebres Chymicos, non sunt, iusculis & vires nobiles & gratiam communicantes, profuerunt Ægræ particulis aqueis, acidis, temperando, restinguendo, diluendo, obtundendo, immutando, educendo, quâ etiam laude gratissimus Granatorum syrupus micat. Non solum hic in genere vegetabilia, pomposis & ob solam occulationem pretiosis Chymicis, sed & in specie, *Acetosa* ac *Acetosella* celeberrimis antiscorbuticis palmam præriperunt; In tali enim scorbuto calido, si cochlearia, raphanus sylvestris, sinapi & similia frequenter ac copiosè exhibentur, concitant quiescentem sæpè causam, Narium hæmorrhagias, Arthritides, Asthmata, Phlogoses &c. excitant, hinc becabunga præfertur, hinc si cochlearia Ægris talibus arridet, acetosa aut acetosella frænum illi injicere solet *Exc. Dn. Præses.* *Nasturtium aquaticum*, notissima nobis herba (dimicent alii, an *senecio serapionis*, vel *Sion Cratevæ*, vel *sissymbrium* aut *Cardamine altera Dioscoridis* sit) scorbuti Antidotum lentâ illâ, non nimia, coctione in iuscula penetrantes transfert particulas, quæ acrimoniâ suâ salinâ volatili, salinas, scorbuti malitiâ tinctas infringunt, emendant, expellunt. *Fumaria* vi suâ acres humores mitigandi, per glandulas subcutaneas sensibilibiter educendi. *Endivia*, corpusculis bilis fervorem restinguentibus, profuit. *Emulsio* ex refrigerantibus decantatis *seminibus* mucilaginosus, & *papa veris albi* semine diureticâ, simul inviscante, sufflamante, effrenes spiritus ligante vi præditis, cum aquâ *papa v. err.* sudorifera, mitigante, *lactuca* refrigerante, refrenante parata, ferociam tumultuantium humorum compeſcebat.

XIII *Linimentum* ex *Aquilegiâ*, *Mentha crispâ*, *Salviâ*, *Nuce Moscat.* *Alumine uſto* & *melle rosato* vasorum oscilla, ut allabentes humores non tam promptè imbibant, ac retineant, firmare, allapsos tales imminuere discutere, corrigere, laxam carnem siccare, roborare, à putredine vindicare, sanicem

Coniem tollere solet, quam etiam vim terreis suis fixis, austeriusculis atomis, *Certices medii recentes fruticum rosarum* exerunt, accedentibus præsertim fixioribus, salinis, tartareis, *vini rubri*, ac vitriolatis qs. *Roob Nucum*, abstergentibus, mundificantibus *Mellis Rosarum* particulis. Ulceri tibiæ *Emplastrum diapompholygos* appositum fuit, à Medico quondam hic Celebri introductum, frequentissimè felici cum effectu à Dn. *Præsede* usurpari solitum, causam tollit, emendat, partes contra causam defendit, & symptomata abigit ingredientibus suis, *Minio*, *Eithargyrio*, *Cerussa*, *Nihilo albo*, *Tutiâ præparata*, *Lapide Calamin. Saturno calcinato* & *edulcorato*, *Thure*, *Succis plantaginis*, *Rosarum*, *Semperivi*, *Solani* &c.

XIV. *Purgans potio* succedente tempore, non primò, quia jam ab ordinario Dn. Medico tùm temporis sufficienter evacuata fuerat, exhibita fuit, calidioribus enim humoribus *hac* magis convenit formula. Conflabat ex *foliis senæ*, quorum vis panchymagoga per particulas salino sulphureas tenues, colliquantes se exerens, ubique deprædicatur, Drachm. 2. pondere, cum major quantitas in Infuso pro unâ dosi superflua sit, *Tamarindis*, quæ juxta illas atomos modò dictas, insignes acidiusculas salinas possident, bilis æstum contemperandi, sulphureos acres humores refrænandi fermentum Ventrliculi vigorandi vi, pollentes, *semine anisi* & *aquâ cinnamomi*, pro flatuum ex fermentatione colliquativâ oriundorum prohibitione, pulsione, *Cremore tartari*, pro stimulo & subigendo humorum fervore, ac *Electuario de Tamarindis*, quod *Horstius* describit: Sicque sensim ac sensim collecta heterogenea è primis viis & M. S. eduçta fuerunt, hâc non vehementi, sed leni potione; in talibus enim Casibus, qui vel *Vomitibus* vel *Catharticis* validioribus ægrum exagitant, multùm ipsi nocent, *Alœtica* ac *Scammoniata*, humores acriores reddētia, in majorē fervorem agentia, studio omisit Dn. *Præses*. Inde fervidiori, impetuosiori, agitato sanguine *pansa* fuerunt *fores*, & quædam excursio concessa, ut reliqua portio causæ eduçeretur, alas feliciùs poneret, defervesceret. Vt tandem, quicquid reliquum adhuc, quicquid altiores egerat radices in corpore, per ordinaria emunctoria eliminaretur, acrimonia fervens infringeretur, restingueretur, sulphurea, salina corpuscula corrigerentur, scorbuticum miasma destrueretur, ferocia effrænata coërceretur, *Acidula* propinatae fuerunt; Tam *SV&albucentes*, quàm *Dönningssteinenses* hic resolvere, examinare, ac describere ob causas in proœmio dictas supersedeo, cum præsertim *Celeberrimi* id egerint *Viri*. Non *vulgaris* autem potandi modus ob causam additam præscriptus fuit: Integra enim, ut vocant, Cura communiter instituitur augendo sensim aquæ dosin, usque ad insignem quandam & summam, illam aliquandiu continuando, & tandem iterum imminuendo. Verùm & hunc, quem *nostra* *Ægr*, multis præscribere solet Dn. *Præses*, cum potantium insigni alleviatione & salute.

XV. *Dieta* in Dn. Medici Ordinarii Consilio præscripta Cibus supra accusatos, ut & nimis salitos, aromatizatos, frixa, pingua &c. nimium, non omnem, Vini usum, Iram, nimios corporis motus &c. prohibuit. Et sic executæ sunt medicamenta illas, quas supra posui, Indicationes ac Intentiones, *juvante Triuniv. Dei Infinita Gratia*, cui sit

Laus, Honor & Gloria in seculorum secula!